

ծուծյան արևելյան պատին, մի խաչաքանդակ, խա-
րըսից դեպի վեր բարձրացող սովորական արմավե-
նիկների փոխարեն՝ իրար հանդեպ կանգնած մի մի
աղավախ. նման մոտիվ կրկնվում է մանրանկարչական
արվեստի և քանդակագործության մեջ, որինակ, Դսեղի
Բարձրաքաղ Ս. Գրիգորում: Խաչի տակը հյուսվածքի
մի գեղեցիկ զարդարանք է, իսկ կողերից և ճակատից
վորպես շրջանակ նույնպես զարդագրված (պատկ. 40).
խաչի մեծությունն է $1,87 \times 1,02$ մ.:

Ափսիդի աջ կողմից ևս, արևել-
յան պատին՝ քանդակված է ճի-
պոտաձևերից կազմված մի խաչ,
կեղրոնականից դատ, թևերն էլ
խաչով: Խաչը բարձրանում է յեռ-
աստիճան պատվանդանի վերա,
պատվանդանի մակերևոյթը հիւս-
կեն զարդով, կեղրոնում Աղամի
գլուխը: Խաչի յերկու կողմից
կանգնած են մի մի մարդ, աջ
կողմինը մի ձեռքում նիզակ,
մյուսում գուրգ (?), ձախինը մի
ձեռքին նիզակ, մյուսով պատե-
րազմական փողը բերանին դրած:
Խաչաքանդակի մեծությունն է
 $2,58 \times 1,35$ մ. (պատկ. 41): Կող-
քին, խաչի ձախ կողմից, նկատ-
վում է քառանկյունու մեջ մի
հյուսկեն զարդ, վերևը, քառան-
կյունուց դուրս՝ մարդու գլուխ.
ինձ համար անհասկանալի, յեթե
կիսավարտ չե գործը. մեծությու-
նըն է 70×60 սմ.:

Տաճարի հյուսիսային պատից
մի դուռ տանում է դեպի փոքրիկ
ավանդատունը վեմքարով. դրան
լայնքը 0,73 մ. է, բարձրությունը
2,2 մետր. դրան ճակատը զարդար-
ված է յեղնավոր, գծական, գե-
ղեցիկ հյուսվածքով, գծերի ծայ-
րերը վարդյակից դուրս յեռատե-
րևով վերջացած, կողքի տերևնե-
րը նշատերևի նման: Դրան շրջա-
նակի վերին անկյունում մի մի
ոչոշի բացված (պատկ. 42) ծա-
ղիկ, արվեստի սիրելի մոտիվնե-
րից մեկը: Ավելի բարձր, այս դրան
շրջանակից վեր, մի բոլորակ, մեծ
վարդյակ, հյուսվածք (պատկ. 43):


Տաճարի մուտքի մոտ, ձախ հեռին դասում, պա-
տերի վերա փորագրված են յեղնավոր խաչեր, մոտն
այսպիսի արձանագրություն. «սբ խաչս կոչի բա-
րեխաւս տր Մանուէլ եպկի»:

Բացի գմբեթի յերգիկից, մի լուսամուտ էլ հա-

րավային պատից բացվում է դեպի սրբատաշ քարով
շինած կաթուղիկ տաճարը:

Տաճարի մեծությունը արևմտյան պատից մինչև
բեմը 5,05 մ., ափսիդի խորությունը 3,38 մ., բացված-
քը 3,2 մետր. հարավից հյուսիս, տաճարի լայնքը
6,68 մետր:

Յերկրորդ վիմափորի դուռն առանձին է, բայց
դարձյալ մեծ տաճարի սյունազարդ գավթի հյուսիսա-
յին պատից, ավելի արևմուտք, քան նախընթաց վի-



Պուռշի վիմափոր տաճարի գմբեթը ներսից. Պատկեր 37—38.

մափորների դուռը: Այս վիմափոր ժամատան գմբեթը
բարձրանում է ութ վորմահեց կիսասյուների վերա,
վորոնց կամարները գոթականի նման խաչաձև կտրում
են իրար, անկյուններում չորս փոքր ափսիդանման
խորշեր կազմելով (տ. պատկ. 44): Բացի այս չորս խո-